

ты, и твори чюдеса, ты еси Бгъ едины. Настави  
 ма Гди на пъть твой, и пойдѣ во истинк твою, да  
 возвеселитса сердце мое, боатиса имене твоего.  
 Исповѣмса тебѣ Гди Бже мой всѣмъ сердцемъ  
 моимъ, и прославлю има твою въ вѣкъ. Иакъ мѣть  
 твою велию на мнѣ, и избавилъ еси дшш мою ѿ ада  
 пренеподнѣишаго. Бже, законопрестѣпницы восташа  
 на ма, и сонмъ державныхъ взыскаша дшш мою, и  
 и не предложиша тебе предъ собою. И ты Гди Бже  
 мой щедрыи и милостивый, долготерпѣливый и  
 многомилостивый, и истинный. Призри на ма, и по-  
 милси ма, даждь держав твою отроку твоему, и  
 спаси сына рабы твоея. Сотвори со мною знаменіе  
 во благо, и да видятъ ненавидящии ма, и посты-  
 дѣтса, якъ ты Гди помогалъ ми, и оутѣшилъ ма  
 еси.

Сотвори со мною знаменіе во благо, и да видятъ  
 ненавидящии ма, и постыдѣтса, якъ ты Гди по-  
 помогалъ ми, и оутѣшилъ ма еси.

**Слава, и нынѣ: ѿлиліа, трижды. Гди поми-  
 лси, трижды.**

**В**ско Гди Іисе Хртѣ Бже нашъ, долготерпѣвый  
 ѿ нашихъ согрѣшеніихъ, и даже до нынѣшняго ча-  
 са привелъ насъ, въ онъже на животворящемъ  
 дрѣвѣ висѣ, блгоразмному разбойнику, иже въ рай  
 пстесотворилъ еси входъ, и смѣртію смѣрть разр-  
 шилъ еси: ѿчисти насъ грѣшныхъ и недостойныхъ